



साःगु भिंगु मरिचरिया निति लुमका दिसें !

लक्ष्मण जमाल 'विलमि' प्रोप्राइटर

लाखा छेँ
LAKHA CHHEN

सोन्हखुटे, वडा नं. १६, येँ, फोन नं.: ४५६०७५८

थुकि दुने



देय् हिलेत राजनीतिक पार्टी थः हे हिलेमाः दिलीप शाही 'शान्तिघञ्जु' - २



येँ महानगर दुने सुकुम्वासी समस्याः समाधानपाखे कि जटिलतापाखे ? विराजकाजी राजोपाध्याय - ३



कासा ख्यलं गबलें ल्वःमके मफइमह 'हाकुमह मोति' पेले प्रजित शाक्य - ६



ज्याइवः किपा - ४-५

पत्रकार दबूया नायलय् नृपेन्द्रलाल निर्विरोध नेवाः पत्रकारिता व पत्रकारया उत्थानय् ज्या याय्गु बचं

देय्नुयंक च्वपिं नेवाः पत्रकारतय् राष्ट्रिय संगठन नेवाः पत्रकार राष्ट्रिय दबूया नवनिर्वाचित केन्द्रीय अध्यक्ष नृपेन्द्रलाल श्रेष्ठ थःगु कार्यकालय् दबूया थःगु हे भवन दय्केगुनिसै भिन्त्यादँ मयाक्क पत्रकारिताय् निरन्तर सक्रिय नेवाः पत्रकारतय् राज्यपाखें भत्ताया व्यवस्था याकेगुलिसैया ज्यायात प्रार्थमिकताय् तथाः ज्या याय्गु धयादीगु दु । शनिबाः पत्रकार राष्ट्रिय दबूया महाधिवेशनं अध्यक्षय् निर्वाचित जूगु औपचारिक घोषणा धुंकाः खँ ल्हासै नवनिर्वाचित नायः श्रेष्ठ थःगु योजना न्यकुसै नेवाः पत्रकारिता छ्यः व नेवाः पत्रकारतय् उत्थानया निति थः निरन्तर रुपं सक्रिय जुयावनेगु धयादिल ।

नेवाः संचार गृह, नेवाः पत्रकारतय्गु यकिन तथ्याङ्क मदुगु अवस्था, उकथंया डाटा दय्केगुनिसै व अज्याःगु डाटायात राज्यस्तरया अभिलेखय् दुथ्याकेगु निति, नेवाः संचार गृह व्यावसायिक संचार गृह कथं न्ह्यःज्याय्फइगु लसक दय्केगु निति ज्या याय्गु जिगु योजना दु' नायः श्रेष्ठ धयादिल । प्रकाशनपाखे पत्रकार दबूया दुजःतय् नां दुथ्याकाः डायरी पिथनेगु, देय्नुयंक च्वपिं नेवाः पत्रकारतय्गु प्रोफाइलिसै धजय फ्क धजय पिकाय्गु, थीथी मातृभाषाया पत्रकारिताया अवस्थाया बारे जानकारीमूलक सफू पिकाय्गु व नेपालभाषा पत्रकारिताय् रेडियो, अनलाइन, टेलिभिजन व छापा पत्रिकाया बारे सफू पिकाय्गु योजना श्रेष्ठया दु । अथे हे, दबूया भवन दय्केगु, संगठन बिस्तार याय् संभव दुथाय् नगर कमिटी व प्रदेश कमिटी दय्केगु, उत्कृष्ट जिल्लायात हनेगु योजना नं वय्कलं दय्कादीगु दु । न्हापांमह मातृभाषा पत्रकार धर्मादित्य धर्माचार्यया योगदान



देय्नुयंक प्रचार याय्गु नितिं थीथी ज्याइवः याय्गु योजना नं दुगु श्रेष्ठ धयादिल । 'धर्मादित्य व सत्यनारायण बहादुर श्रेष्ठया विषयस अध्ययन, अनुसन्धान व गोष्ठी याय्गु, धर्मादित्य व सत्यनारायण बहादुर श्रेष्ठया इवाता स्थापना याय्गु, धर्मादित्यया हुलाक टिकट, वहःया पाय्म्वः, नेपालभाषा पत्रकारिताया सच्छि दँया सफू पिकाय्गु, मातृभाषा पत्रकारिताया सच्छि दँ पूर्वगु लसता लाकाः ११४४ बुद्ध जयन्ति निसै ११४५ बुद्ध जयन्तितक्क दच्छियंक हे थीथी ज्याभ्वः याय्गु योजना

जिं दय्कागु दु । नेपालय् मातृभाषा पत्रकारिताया सुरुवातलिसै महत्वया विषयस सकसिगु दथुइ चेतना थनेगु जिगु बिचाः खः' नायः श्रेष्ठ धयादिल । व हे कथं सार्क स्तरया मातृभाषा पत्रकारिता सम्मेलन व गोष्ठी याय्गु, आदिबासि महिला पत्रकारिता सम्मेलन व गोष्ठी, नेवाःतय्गु राष्ट्रिय स्तरया आःतकयागु गतिविधि दुथ्याकाः राजनीति, साहित्य, पत्रकारिता, सकिपा लगायत विषययात कया बृहत ज्याइवः याय्गु, मातृभाषा पत्रकारिता विषयस प्यानल डिक्सन याय्गुलिसै दबूया लोगो

दुगु ब्याच दय्केगु, देय्नुयंक नेवाःतय्गु समाचार मुकेगु संजाल दय्केगु, भिन्त्यादँ मयाक्क पत्रकारिता यानाच्चीपनिगु निति सरकारपाखे भत्ताया व्यवस्था याकेगु, मातृभाषा प्रकाशननाप सम्बन्धित ज्या यानाच्चीपन्त तःजिक हनेगु व दबूया अक्षयकोष ७५ लाख थ्यंकेगुलिसैया योजनाय् थः न्ह्याःवनेगु श्रेष्ठ प्रतिवद्धता प्वकादिल ।

वंगु पुस २३ गते शनिबाः क्वचाःगु पत्रकार दबूया तःमुँज्या नृपेन्द्रलाल श्रेष्ठयात नायः पदय् निर्विरोध निर्वाचित याःगु खः । दबूया प्यक्वःगु तःमुँज्या व भिक्वःगु दँ मुँज्या श्रेष्ठया नेतृत्वय् १९ दुजःया न्हूगु ज्यासना पुचः ल्यःगु खः । न्हूगु ज्यासना पुचःया वरिष्ठ उपाध्यक्षय् सुनिल महर्जन, खुला उपाध्यक्षय् सुरेन्द्रभक्त श्रेष्ठ, मिसा उपाध्यक्षय् रचना श्रेष्ठ, उपत्यका पिन्या उपाध्यक्षय् सन्दीपकुमार श्रेष्ठ निर्विरोध निर्वाचित जुल । महासचिवया जिम्मेवारी कृष्णकाजी (केके) मानन्धरयात लाःगु दुसा सचिवय् राजु नापित, कोषाध्यक्षय् ल्यं ७ पेज्य

निंबना! निंबना!! निंबना!!!



नेवाः पत्रकारतय् राष्ट्रिय संगठन नेवाः पत्रकार राष्ट्रिय दबूया प्यक्वःगु तःमुँज्यां निर्विरोध निर्वाचित जुयादीपिं सकल पदाधिकारीपिनि कार्यकाल सुथां लायेमा धइगु मन्तुसै भित्तुना देछाना ।





नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुककं हे छम्ह जुइ धुन भीगु लागाय भी स्वयं हे ज: जुया धुन लुइ धुन ह्यांगु भुमिइ अष्टमण्डल ह्यांगु चा: दुने थी नगु भीगु नेवा: ध्वाँय् थ्व हे ख: ज्यान भी सकस्यां छगू जातितय् स्वायत्त राज्यं लुइ कपं च्वय् भिर्लिमिलिं राष्ट्र भ:भ: धाय्क न्त्याके भीगु च:र्ति भीगु हिं

सम्पादकीय



जिप्रकां पंचायतयात भेन्टिलेटरय् तया: स्वाकेत स्वयाच्चंगु ला ?

देशय् न्ह्यु सरकार व:गु दु । आम निर्वाचन धुंका: बिचा: मया:कथं दकले अप्व: सीट त्याकूगु नेपाली काँग्रेस प्रतिपक्षय् लात सा नेकपा (माओवादी केन्द्र), नेकपा (एमाले) या नापनापं राजावादी पार्टी राप्रपा व राजावादी वा गणतन्त्रवादी छुं हे सीमदुनिगु पार्टी रास्वपा तक्या गठबन्धन दय्का: प्रचण्ड नेतृत्वया सरकार वल । हरेक पटक न्ह्यु सरकार वइगुलिसें जनतायात न्ह्यु आशा दनावइ, छुं ह्युपा: स्वयंखनीला धइथें जुयावइ । थुगु पालय नं अथे हे ख: । छुं बांला:गु जुइला ? छुं ह्युपा: वइला ? देय्या अवस्था बांलाकीला ? थज्या:गु हे आसा दथुइ न्ह्यु सरकार व:गु दु । आ: जनताया लांलां जक मखु, दंदं न्त्य:निसेंया आसां घानाच्चंगु आसा थुगुसी गुलितक्क पूवनी, व स्वयं ला ल्यं हे दनि । तर, नेवा:तय् नितिं धा:सा खय् भाय्या छगू धापू थें जूगु दु, 'पहिलो गाँसमै दुइ ।' आ: वया: जिल्ला प्रशासन कार्यालयं नेवा: भासं तयात:गु नां खय् भासं हिला: ह्युमा:गु धका: नेवा: संघसंस्थायात लित छ्वयाहयाच्चंगु दु ।

खतुं थ्व खँ न्ह्यु नं मखु, न्ह्यु सरकारया जक नं दोष मखु । थ्व ला मुक्कं नीति व प्रणालीया हे दोष ख: । देशय् त:क्व:मछि हे व्यवस्था हिल, तर नेवा:तय् नितिं अवस्था हिलेफुगु मडुनि । न्हापा छगू ई नेवा: भाय् ल्हा:गु तालकि हे कुनाबीगु, नेवा: भासं च्वलकि दण्ड, जरीवाना आदि जुइगु । व धुंका: देशय् बहुदल वय्धुंका: नं २०५६ सालया जेठ १८ गतेकुनु तत्कालीन स्थानीय निकायलय स्थानीय मातृभाषायात कामकाजी भाय् दय्के दइमखु धका: सर्वोच्च अदालतं नेवा:तय् म्ये चफुनाबिल । थज्या:गु गतिविधि व अवस्था स्वयंबलय् आ: अवस्था भचा पा:गु ला दु । स्थानीय तहलय् स्थानीय मांभाय् याउंके छ्यलेदयाच्चंगु दु । उलि जक मखु, यँ महानगरपालिकालिसें यल महानगरपालिकाय व मेगु थीथी नगरपालिकाय स्थानीय पाठ्यक्रम स्थानीय मातृभाषां लागू यायधुंकागु अवस्था दु । व दक्कं स्वयावनेबलय् अवस्था हिलाव:गु दु, बांलानाव:गु दु । तर गुलिखे सरकारी संयन्त्रय् धा:सा थौं गणतन्त्र वय्धुंकागु अवस्थाय् नं पंचायतया भूत अफ्क हे म्वानाच्चंगु दनि धइगु खँ यँ जिल्ला प्रशासन कार्यालयं प्रमाणित यानाब्युगु दु ।

यँया क्वहितिस्थित क्वहिति त्वा:छँ पुच:यात भाय् हिला: संस्थाया नां तयाहजि धका: लितछ्वयाह:बलय् जिप्रकाया थ्व पंचायती भूतया रुप सकसिगु न्त्य:ने छ्यातां जूगु ख: । क्वहिति त्वा:छँ पुच:यात जक मखु, यँया इव:छँया छगू संस्थायात नं थुकथं हे लितछ्वयाह:गु खँ पिहांव:गु दु । संघीय गणतन्त्र नेपालय् सांसदतय्सं संघीय संसदय् थ:गु मांभासं शपथ नय्दु, प्रदेशय् स्थानीय मातृभाषालिसें निगू भाय्यात कामकाजी भाय् दय्केज्युगु खँ वयाच्चंगु दु । स्थानीय सरकारय् नं स्थानीय मातृभाषायात मान्यता दु तर, संघीय गणतन्त्र नेपालय् ज्याव्यलय् मडुगु धा:सां जीधुंकागु जिल्ला प्रशासन कार्यालयं धा:सा स्थानीय मातृभाषा अफ्क मथूनि, मखनि । उपिं अफ्क नं एक भाषा नीतियात हे लिना: पंचायतयात भेन्टिलेटरय् तया:सां स्वाकेत स्वयाच्चन ।

देय् हिलेत राजनीतिक पार्टी थ: हे हिलेमा:



दिलिप शाही "शाण्तिचज्जु"

वंगु मसिर ११ गते न्ह्यु सरकार गठन जुल । सरकार गठन जुइवं सरकार याइगु न्ह्यु ज्याइव: नं घोषणा जुल । देय्या प्रशासनिक क्षेत्रय् जुयाच्चंगु बेथिति मय्केगु नितिं सरकार निर्देशन नं बीधुंकल । अफ्क ला देशय् न्हापांगु खुसी प्रधानमन्त्री देय्या मुख्यसचिवलिसे, सचिवतलिसे सहलह याना: रिपोर्ट काय्गु जक मखु, सचिवतय्सं ब्युगु रिपोर्ट गलत जूगु धासें उकियात सुधार याय्त्त व सुधार मयात धा:सा कारबाही याय्गु ख्याच्च: तर्क ब्युगु दु । अथे ला न्हापा न्हापा नं न्ह्यु सरकार गठन जुइवं कर्मचारीतय् निर्देशन बीगु ज्या मज्गु मखु तर, कार्यान्वयन तगिमय गुलि तक वन धका: जनतां न्त्यस: थनेगु यानाच्चंगु दु । आ: हे नं सरकार गठन जुइवं उपप्रधानमन्त्रीलिसें गृहमन्त्री रवि लामिछाने राहदानी विभागया निरीक्षण या:गु ख:सा वयां निन्हु लिपा हे राहदानी विभागं छगू सुचं जारी यासें सफ्टवेयरय् समस्या व:गु कारणं राहदानी इनेगु ज्या छुं ईया नितिं याय् फइमखु धका: सुचं जारी यात । राहदानी विभागया सुचं वय्वं प्रधानमन्त्री कार्यालयया सम्बन्धित विभागपाखें थुकियात कया: अनुगमन नं शुरू जुइधुंकल । सरकारं घोषणा या:गु ज्यायात कर्मचारीपाखें अवहेलना जुइवं सायद न्हापांगु खुसी जुइमा: प्रधानमन्त्री कार्यालयया सम्बन्धित विभागपाखें अनुगमन जूगु । उकथं हे भौतिक पूर्वाधार तथा यातायात व्यवस्था मन्त्री नारायणकाजी श्रेष्ठ नं स्वनिगलय् दुगु स्वंगू यातायात विभागया अनुगमन याय्गु इवलय् जनतायात दु:ख जुइकथं ज्या मयाय्त्त निर्देशन बिल सा उकियात कार्यान्वयन चरण गन थ्यनाच्चन धइगु खँ सार्वजनिक जूगु मडुनि । सायद राहदानी विभागया अनुगमन या:थें सरकार याकनं हे यातायात कार्यालयया नं अनुगमन याना: अन गज्या:गु समस्या दु व उकियात गुकथं ज्यकेगु धइगु निर्देशन बी जुइ । तर प्रधानमन्त्री वा सम्बन्धित निकायं निर्देशन बीवं अज्या:गु समस्या याउंके मज्यं धइगु खँ त्रिभुवन विमानस्थलया भन्सार कार्यालयय् जुयाच्चंगु बेथिति कयनाच्चंगु दु ।

देय्या वैदेशिक घाटा क्वपालेगु नितिं धाय् वा थ:गु देशय् रोजगार मडुगु कारणं याना: विदेशय् वना: रोजगारी याय्त्त बाध्य जुयाच्चपिं नेपा:मि श्रमिकतय्सं सरकारं सुविधा ब्यु कथं निग: मोबाइल हय्त्त भन्सारया कर्मचारीछा: मोबाइल जफत यानाच्चंगु सार्वजनिक जुइवं प्रधानमन्त्री दाहालं उकथं मोबाइल जफत मयाय्त्त व निग: मोबाइल हय्केबीत अर्थ मन्त्रालययात

निर्देशन ब्युगु ख: । तर भन्सारया कर्मचारीतय्सं कानुनया थीथी धारा कयना: प्रधानमन्त्रीया उगु निर्देशनयात फसय् ब्युकाब्युगु दु । ख:, नेपा:या कर्मचारीतय्सं यानाच्चंगु ज्या धइगु थज्या:गु हे ख:, कानुनया थीथी धारा, उपधारा कयना: आम जनतायात दु:ख बीगु । नीतिगत नियम कयना: जनतायात दु:ख बीगु ज्या आ: जक मखु, पञ्चायत कालनिसें जुयाच्चंगु ख: । अले थज्या:गु नीतिगत नियम धइगु नं केवल सर्वसाधारण जनतायात

यानाच्चंगु दु । तर सरकार थ:गु ऐन कानुनय् दुगु थज्या:गु कमजोरी भिंकेगु ज्या धा:सा यानाच्चंगु मडु ।

ख:, राजनीति याय्गु ख:सा देय्या नियम कानुन गुकथं न्त्यानाच्चंगु दु, अले ई कथं उकियात गुकथं परिमार्जन याय्मा: धइगु खँय् राजनीतिक पार्टीतय्सं ध्यान बीमा:गु ख: । अफ्क धाय्गु ख:सा सरकारया नेतृत्व याइगु पार्टीया नेतातय्सं थ्व खँयात कया: ध्यान बीमा:गु ख: । तर थौतकया अवस्था स्वय्गु ख:सा



सायद राहदानी विभागया अनुगमन या:थें सरकारं याकनं हे यातायात कार्यालयया नं अनुगमन याना: अन गज्या:गु समस्या दु व उकियात गुकथं ज्यकेगु धइगु निर्देशन बी जुइ । तर प्रधानमन्त्री वा सभन्धित निकायं निर्देशन बीवं अज्या:गु समस्या याउंके मज्यं धइगु खँ त्रिभुवन विमानस्थलया भन्सार कार्यालयय् जुयाच्चंगु बेथिति कयनाच्चंगु दु ।

जक लागू जुइगु जुयाच्चंगु दु । अले पञ्चायत कालय् जुयाच्चंगु थज्या:गु बेथिति विरुद्ध २०४६ सालय् आन्दोलन जूगु ख: । वयां लिपा नं पञ्चायती कालय् जूगु बेथिति निरन्तर जूगु धासें २०५१ सालय् माओवादी आन्दोलन न्त्या:गु ख: । तर अज्या:गु बेथिति थौतक नं तंगु मडुनि । अफ्क घनीभूत जक जुयाच्चंगु मखुला धइगु न्त्यस: ब्वलनाच्चंगु दनि ।

ख:, नेपालय् न्त्या:गु थीथी आन्दोलनया कारणं शासन प्रणाली हिल । २०४६ साल लिपा राजतन्त्रसहितया बहुदलीय व्यवस्था व:गु ख:सा २०६२/६३ सालया आन्दोलन लिपा संघीय गणतन्त्र नेपा: जुल । तर कर्मचारीतन्त्र धा:सा आ:तक नं स्वय्गु ख:सा पञ्चायती संरचनाय् ह्युपा: व:गु खनेमडुनि । थुकिया कारण छु ख: धका: न्येनेगु ख:सा पुलापिं प्रशासकतय्सं हे धाय्गु यानाच्चंगु दु । देशय् व्यवस्था ह्युसां अवस्था ह्युगु मडु । अथे धइगु, न्त्यानाच्चंगु ई कथं देय्यात मा:गु नियम कानुन आ: तक नं हिलेगु खँय् राजनीतिक दल वा पार्टीतय्गु ध्यान वंगु खनेमडु । अफ्क आ: नकतिनि सार्वजनिक जूगु समाचार कथं प्रधानमन्त्री विदेशं नेपा: वइपिंत निग: मोबाइल हय्त्त ब्युगु निर्देशन हे नं कानुनत: गलत ख: । कानुनं हे छग: जक मोबाइल हय्गु नियम दय्कात:गु दु । अले भन्सारया कर्मचारी सरकारया हे उगु नियम कयना: थ:पिसं मोबाइल जफत याय्मालाच्चंगु खँ धाय्गु

राजनीतिक पार्टीया जक मखसें सरकारया नेतृत्व याइम्ह नेतां तक थ्व खँय् ध्यान बियामच्चंगु खँ आ: वया: स्पष्ट जूगु दु । उकिं आ: सरकारं गुकथं कर्मचारीयात निर्देशन बीगु ज्या यानाच्चंगु दु, उकथं हे देय्यात मा:गु नियम कानुन नं इलय् हिलेगु कुत: याय्मा:गु अवस्था दु । मखुसा न्त्याबलेनं प्रशासनिक कर्मचारीतय्सं थुकथं हे राजनीतिक पार्टीया नेतृत्वयात हे दोष बीगु ज्या निरन्तर जुयाच्चनीगु निश्चित दु । सरकारी प्रशासनयात हिलेमा: धाइगु राजनीतिक पार्टीया नेतृत्व स्वय्म परिवर्तन मजुइगु अवस्थाय् कर्मचारीयात जक हिलेमा: धाय्गु खँ उचित मखु । देय्यात मा:गु नीति नियम दय्केगु ज्या राजनीतिक दलया हे प्रतिनिधित्वया ख: । अले उकियात मा:गु परिवर्तन याय्मा: कि म्वा: धइगु खँया अध्ययन याय्गु जिम्मेवारी नं राजनीतिक पार्टीया हे ख: । मखु थ: हे परिवर्तन मजुइगु ख:सा कर्मचारी संयन्त्रयात गुकथं हिलेफइ । थौया आवश्यकता धइगु समग्र देय्या प्रशासनिक संरचना हे पुनर्संरचना ख: अले थ्व ज्या याय्त्त आ: तक नं तयार मजुगु सुं दुसा व राजनीतिक पार्टी हे ख: । हिलेमा:गु राजनीतिक परिपाटीया दुने प्रशासनिक संरचना ख: । थ्व हिलेत गबलेतक राजनीतिक पार्टी तयार जुइमखु, उगु इलय् तक सरकारं न्त्यागु हे क्रान्तिकारी घोषणा या:सां कार्यान्वयन तगिमय् वनेत थाकुइगु स्वभाविक ख: ।

यें महानगर दुने सुकुम्वासी समस्या: समाधानपाखे कि जटिलतापाखे ?



बिराजकाजी राजोपाध्याय

राष्ट्रिय भूमि आयोग येँ जिल्ला समिति दयकातःगु दु। थज्याःगु जिल्ला समिति थःगु जिल्ला दुनेया सुकुम्वासी समस्याया समाधानय पहल यायत सम्बन्धित स्थानीय तहलिसे सम्भौता याइ। सम्भौता धुंकाः स्थानीय तह सम्भौता कथंया ज्या न्ह्याका यकेमाः। सम्भौता धुंकाः स्थानीय तह व वडा स्तरीय सहजीकरण समिति गठन यायगु, स्थानीय तहमार्फत भूमिहीन दलित, सुकुम्वासी व अव्यवस्थित बसोबासीया निवेदन संकलन, निवेदनया तथ्याङ्क प्रणालीइ प्रविष्टीकरण व निस्सा वितरण, ७ दिने सूचना प्रकाशन व निवेदनय जाँचबुझ, लाभग्राहीया प्रमाणीकरण, वितरण जुइगु जग्गाया जिल्ला समितिइ सिफारिसलिसेया थोथी प्रक्या धुंकाः जग्गा धनी प्रमाण पूजा वितरणतक्क्या ज्या स्थानीय तहपाखे यायमाः। सहजीकरण समितिइ नं सम्बन्धित वडाय क्रियाशील राष्ट्रिय मान्यता प्राप्त राजनीतिक दलया छम्ह/छम्ह प्रतिनिधि, वडाय क्रियाशील किसान, सुकुम्वासी, भूमि, बसोबासलगायतया क्षेत्रय ज्या यानाच्चंगु, संघ, संगठन वा नागरिक समाज दोहोरे मजुइगु कथं वडास्तरीय समिति सहजीकरण समितिइ मनोनयन याःम्ह प्रतिनिधिलिसे वडा अध्यक्ष, वडा सदस्य व वडया सचिव च्वनीगु व्यवस्था यानातःगु दु। येँ जिल्ला दुने स्वयंबलय थुक्या सम्भौता येँ जिल्लाया ११ मध्ये च्यागू स्थानीय तहलिसे जुइधुकूगु दु। आः कीर्तिपुर नगरपालिका, शंखरापुर नगरपालिका व नागार्जुन नगरपालिकालिसे जक सम्भौत जुइ ल्यं दनि। गुलि जिल्लाया ला निस्सा वितरण तर्क जुइधुकूगु दु।



यें महानगर दुनेया सवालय नं थ्व सकतां भाला व अधिकार ला येँ महानगरयाके हे दुगु जुयाच्चन। आः दक्कं खँयात दुवाला स्वयंबलय येँ महानगर थ्व छुं नं प्रक्यायात न्ह्यःने यंकेगुलिइ आःतक छुं हे वास्ता याःगु खनेमदु। बरु, निर्वाचन आचार संहिता लागू जुयाच्चंगु इलय दक्कं विधि व प्रक्यायात हाकुतिनाः जबरजस्तीया लँ जक ल्युगु खनेदत।

राष्ट्रिय भूमि आयोग काठमाडौँ जिल्ला समिति नं छुं दिं न्ह्यः जक पत्रकार सम्मेलन हे यानाः सुकुम्वासी समस्यायात सहज प्रक्यायात येँ महानगरपालिका भन जटिल दयकाब्युगु दावी याःगु खः। भूमि आयोग येँ जिल्ला समितिया नायः श्यामकृष्ण प्रजापति संघीय सरकार गठन जुयाः भूमि आयोग समस्या समाधानया प्रक्या न्ह्यःने यंकेधुकूगु अवस्था येँ महानगरपालिका थुकियात छाय जटिलतापाखे घवानाबिल धइगु खँ थुइकेमफूगु धयादिल। सम्भौता कथं महानगर प्रक्या न्ह्याकाः लगत संकलनलगायतया ज्या यानाः आवश्यक छानबिन नं याःगु खःसा आःतकय येँ महानगरया वास्तविक सुकुम्वासीया पहिचान जुयाः नं समस्या ज्यनेधुंकीगु दावी प्रजापति यानादिल। येँ महानगर प्रक्यायात लिनाः न्ह्याःवनेगु खः कि जबरजस्ती यायगु खः ? प्रक्याय वनाः अःपुक समाधान जुइगु विषययात महानगर डोजर हे यंकाः जबरजस्ती यायमाःगु छुं आवश्यकता हे दुगु मखु' प्रजापतिया

जक सुरक्षाया खँ ल्हायम्वाःला ? जातीय वा मेगु छुं नं स्थानीय संघसंस्थां थुकी ल्हाः तयगु खःसा व संस्थालिसे सम्बन्धित मनूतय सुरक्षाया जिम्मा सुनां काइ ? मेथाय जातीय खँ ल्हायमज्यू धाइपिनसं थुकियात सही धाय पाय्छि जुइला ?

भूमि आयोग येँ समितिया सदस्य सुशीला खतिवडा थःपिं समितिइ वयाकथं ज्या न्ह्याकागु तर निर्वाचन आयोग निर्वाचन आचार संहिता लागू जुइधुकूगु अवस्थाय दक्कं ज्या दिकी धकाः निर्देशन ब्यूबलय थःपिं उगु इलय ज्या दिकाः च्वनेमाःगु धयादिल। तर निर्वाचन आचार संहिता लागू जुयाच्चंगु हे अवस्था येँ महानगरयात डोजरयात छाय मपन धकाः नं वयकलं न्ह्यसः तयादिल। 'जिमित धाःसा निर्वाचन आचार संहिता लागू जुल, येँ महानगरयात लागू मजुगु ला ? अझ आः ला निर्वाचन आचार संहिताया ई फुनाः जिपिं सक्रिय जुइधुन। गुलि स्थानीय तह ला निस्सा तर्क वितरण यायधुकल। तर येँ महानगरय जक डोजर यंकाः अस्तव्यस्त दयकेमाःगु अवस्था मदु' खतिवडा धयादिल।

राष्ट्रिय भूमि आयोग गठन जुइधुंकाः आःतकक्या दुने येँ जिल्ला बाहेक मेथाय १२सः स्वयां अप्ठः लालपूजा वितरण जुइधुकूगु दु। १३ लाख ५० हजार लगत संकलन जुगुलिइ ७ लाख स्वयां अप्ठः तथ्याङ्क कम्प्युटर प्रणालीइ प्रविष्टि जुइधुकल। उकी भूमिहीन दलित ५२ हजार ९७२, भूमिहीन सुकुम्वासी धकाः निवेदन ब्युपिं १ लाख १२ हजार ८२१ व अव्यवस्थित बसोबासीया फारम जाय कूपिं ५ लाख ५२ हजार ३८२ म्ह दु।

ज्या न्ह्यानाच्चंगु अवस्थाय ज्या गुकथं जुयाच्चन, सुनां छु यानाच्चन वा सुनां छु मयाः धइगु सकतां खँ थुइकाः सीकाः जक आम सर्वसाधारण वा संघसंस्थात न्ह्याःवनेमाः। थःपिनगु पलाःया लिच्वः गज्याःगु वयफु, व लिच्वःयात सुनां सुनां गुकथं फयमाली धकाः नं बिचाः यायमाःगु खनेदु। मुं छम्हेसिया व्यक्तिगत स्वार्थ पूर्वकेत चेतसा गट्टी जक ला जुयामच्वनाला धइगु नं बिचाः यायमाःगु खनेदु।

वंगु मंसीर १२ गते येँ महानगरपालिकाया डोजर थापाथालीइ वनाः अन उत्पात जुइधुंकाः सुकुम्वासी समस्याया खँ तसकं वानाच्चंगु दु। सुकुम्वासी समस्या येँ जक मखु, मुकं नेपाः देय्या नितिं न्हुगु मखु। यकव दत थ्व समस्या नेपालं फयाच्चंगु। ई हिल, सरकार हिल, व्यवस्था हे हिल। तःम्ह हे सरकार प्रमुखतयसं सुकुम्वासी समस्या ज्यंके धकाः नं न्वावात तर, थ्व समस्या थौतकं ज्यो का त्यो हे धइथे जुयाच्चन तनि। थ्व इवल्य वंगु मंसीर १२ य सुकुम्वासी बस्तीइ डोजर दुहांवनेधुंकाः थ्व वहासाः भन तच्चःगु दु। येँ महानगरपालिकाया थ्व पलाः व सुकुम्वासीया पक्षपाखे जुगु प्रतिकारयात कयाः पक्ष व विपक्षय यकव हे टीकाटीपणी जुयाच्चंगु दु। गुलिसिं मेयर बालेनं याःगु ज्या पाय्छि जू धकाः नं धयाच्चंगु दुसा बालेनं थः हे संघीय सरकार तर्कया प्रमुख थें, देय्या कार्यकारी थें व्यवहार यात, विधि व प्रक्यायात क्वत्यलाः बयबय जुइगु ज्या जक यात धकाः नं धयाच्चंगु दु।

संघीय सरकारपाखे राष्ट्रिय भूमि आयोग गठन जुयाः भूमिहीन दलित, भूमिहीन सुकुम्वासी व अव्यवस्थित बसोबासीया पहिचान यानाः आवश्यक जूपित जग्गा वितरण यायगु नितिं ज्या न्ह्याकातःगु अवस्था दु। व ल्याखं सुकुम्वासीया व्यवस्थापनया भाला राष्ट्रिय भूमि आयोगया खः। थ्व इवल्य थोथी जिल्लाया सुकुम्वासी समस्याया समाधानया नितिं भूमि आयोगया जिल्ला समिति नं दयकातःगु दु। येँ जिल्लाया नितिं नं

आयो नून खाउँ स्वस्थ रहौ

आयो नून खाउँ स्तरीय तहलिसे सम्भौता यायधुकूगु दु। थ्व सकतां खँ स्वयंबलय सुकुम्वासी समस्या समाधानया नितिं यायमाःगु सकतां धइथे ज्या नगरपालिका वा स्थानीय तहपाखे यायमाःगु खः। सुकुम्वासी समस्या समाधानया नितिं सरकारपाखे छुा कार्यविधि दयकेधुकूगु अवस्था दुसा सुकुम्वासीया लगत संकलननिसें

Binod Maharjan
9841369552, 9808644666

बि.आर्ट्स

B. Arts

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

Nayabazar, Kirtipur
☎ 4335491, 📧 b.arts4335491@hotmail.com





कासा ख्यलं गबलें लवःमंके मफइम्ह “हाकुम्ह मोति” पेले



प्रजित शाक्य



सन् १९७५ थःगु

कासा जीवनया

उतरार्द्धय थ्यनेधुंकाः

धाःसा ३४ दँया पेले

उतर अमेरिकी सकर

लिगय् मिहतेत

न्युर्योकया कोस्मोस

क्लबय् आवद्ध जूगु

खः । अन नं स्वंगू

सत्रय् ६४ गोल

यानाः कोस्मोसयात

छकः च्याम्पियन

दय्काबिल । सन्

१९७७ अक्टोबर १५

पेलें कासामि जीवनं

सन्त्यास कयादिल ।

कासा ख्यल्यं हुं थज्याःगु महानतम् नां दइ, सुयात प्रशंसकयत्सं द्यःया हे थाय् बियातःगु दइ । थज्याःपिं द्यःया थाय् काःपिं कासामिया नां कायबल्य् फुटबल्य् महान् कासामि पेलेया नां दकले न्ह्यःने वइ । हलिमय् फुटबलप्रेमी जुइमा या फुटबलप्रति रुचि मद्रुपिं हे छाथ् मजुइमा, पेलेयात महमस्यूम्ह सखे हे सुं दइ । थज्याःम्ह अभूतपूर्व फुटबल व्यक्तित्व थ्व हे पुसय् मन्त । हलिंया हे सर्वकालीन महान् कासामिमध्ये छम्ह पेलें संसार त्वःतावबल्य् मुक्कं हलिं हे शोकाकुल जुल । व स्वभाविक नं खः । छाथ्थाःसा पेलेयात हलिंया हे सर्वकालीन महान् कासामि नालातःगु दु । पेले छम्ह यां छम्ह जक थज्याःम्ह कासामि खः, सुनां स्वक्वः विश्वकप उपाधि त्याकूगु दु । हाकुम्ह मोतिया उपनां बियातःम्ह पेलेयात फुटबलया जुजु तकं धाः । पेले थुगु शताब्दीया दकले प्रभावशाली कासा व्यक्तित्वमध्ये छम्ह खः । पेलेयात फिफां सन् २०००स प्लेअर फ दि सेन्चुरीया उपाधि नं ब्यूगु खः ।

छगू गरीब परिवारय् जन्म जुयाः ब्वलंम्ह वय्कः फुटबलया जुजु, फुटबलया द्यः जूगु खः । अफ् ब्राजिलय् पेलेया प्रभावया खँ ल्हाय्बल्य् थनया आर्थिक अवस्था कमजोर जूपिं मांअबुं थः मचात ब्वनेगुलिइ स्वयां फुटबल्य् बांलाय्मा धकाः बिचाः याइ । ब्राजिलया गरीब मचातय् नं स्कुल वने स्वयां फुटबल मिहते यक्की व थुकी परिवारया नं असहमति दइमखु । पेलेया मचा ई ब्राजिलय साओपावलोया छगू क्षेत्र बाउरोय् गरीबीइ हे ब्यूगु खः । वय्कः थः अबु डोन्डिनो व मां सेलेस्टी आरान्तेसया स्वम्ह सन्तानमध्ये तःधकःम्ह खः ।

पेलेया वास्तविक नां आरान्तेस डो नासिमेन्टो खः । वय्कःया जन्म अक्टोबर २३, १९४०य् जूगु खः । पेलेया फुटबल मिहतेगु कला व क्षमता धाःसा जन्मजात हे खः । वय्कःया अबु डोन्डिनो नं फुटबलर खः तर, पुलिइ लाःगु चोटं यानां पेलेया अबुं थःगु कासा जीवन न्ह्यःने यकैमफुत । अय्जुयाः वय्कःया परिवारया आर्थिक स्थिति नं कमजोर जुल ।

अबुयात आदर्श नालीम्ह पेलेया नं फुटबलप्रति तःधंगु लगाव दुगु खः । तर वय्कःया माम्हं कासामिया रुपं सफल जुइमफुत धाःसा छम्ह कासामिया आर्थिक स्थिति गुलितक्क कमजोर जुइ धइगु सीका काय्धुंक्कूगु खः । अय्जुयाः वय्कःया मांयात पेलेया फुटबलप्रतिया

लगावयात कयाः मचा चिन्ता दुगु खः । बल वा फुटबल बुट न्याय्गु हैसियत वय्कःया परिवारयाके मदु । अय्जुयाः पेले मोजाया दुने भवं स्वथनाः बल दय्काः सडकय् थः पासापिनाप फुटबल मिहतेगु याइगु खः । पेलें सडकय् यक्व ई खाली तुतिं हे फुटबल मिहतेल । पेलें फुटबल मिहतेगु धेबा मुंकेत हे होटलय् चिप सिलेगु, लाकां पालिस याय्गु ज्या नं यात । तर मचा ल्याय्म्हचा उमेर्य् थ्यंबल्य् स्थानीय स्तरय् पेले तसकं बांलाःम्ह फुटबल मिहतीम्ह खः धकाः बय्बय् जुइधुंक्कल । पेलें ११ दँया उमेर्य् हे थःगु फुटबल मिहतेगु प्रतिभां स्थानीय स्तरय् ध्यान सालेधुंक्कूगु खः । व धुंकाः स्थानीय व्यवसायिक फुटबलरतय्सं पेलेयात सान्तोष युथ एकेडेमीइ भर्ना यानाबिल । पेलेयात ब्राजिलया हे शीर्ष क्लब सान्तोषया सिनियर टिमय् लाय्त यक्व ई मकाल । सन् १९५६इ १६ दँया उमेर्य् हे वय्कलं सिनियर टिमय् थाय् दय्कल । व धुंकाः ला पेलें सान्तोष क्लबयात हे विश्व चर्चित

दय्काबिल । १६ दँ दुबलय् ब्राजिलया र टिमय् लात । १७ दँया उमेर्य् ला पेलें ब्राजिलयात र् व श व क प उपाधि हे बिल । व ब्राजिल न्हापांगु विश्व विजेता जूगु खः । व धुंकाः पेलें स्वक्वः ब्राजिलयात विश्व विजेता दय्कल । गुगु गौरव हासिल याःम्ह पेले हलिंया छम्ह जक कासामि खः ।

हलिंया मिखा पेलेयाके सन् १९५८ या विश्वकपय् जूगु खः । दशकौ न्ह्यःनिसें ब्राजिल थम्हं ब्वति काःगु हरेक धेंधें बल्लाखय् उपाधिया प्रमुख दावेदारया रुपं थंसां ब्राजिल व दँय् बल्ल विश्वकप

उपाधि त्याकूगु खः । व विश्वकपया फाइनलय् ब्राजिल स्वीडेनयात ५-२ गोलं बुकूगु खः । उगु कासाय् पेलें निगूगोलयात । क । स ।

ववचाय् धुंकाः ब्राजिलया कासां मन ह्यूपिं स्वीडेनया समर्थकं दनाः विपक्षी टिमया, विशेषतः पेलेयात भावपूर्ण अभिवादन याःगु खः । व धुंकाः पेलें विश्वकपया मेगु संस्करणय् नं अथे हे, कीर्ति दय्काः थःत एतिहासिक फुटबल व्यक्तित्व दय्कल । सन् १९६२इ ब्राजिलं विश्वकप उपाधि रक्षा याःबलय् चोटया हुनिं पेलें निगू जक कासा मिहतेखन । तर सन् १९७०इ ब्राजिलं हाकनं उपाधि त्याकूबलय् पेलेया तःधंगु योगदान दुगु खः ।

ब्राजिलयात विश्व फुटबलया जालय् थ्यंक्मूह पेलें थःगु फुटबल जीवनय् मुक्कं १२८३ गोल याःगु दु । थुलि गोल आःतक सुं हे फुटबलरं यायेमफुनि । पेलें ब्राजिलया लागिं ११४ कासाय् ९५ गोल यानादीगु दु । सान्तोषया लागिं नं वय्कलं करीब स्वंगू दशक मिहतादिल । वय्कःयात युरोपया शीर्ष टिमं न्याय्त मस्वःगु नं मखु । तर ब्राजिलया सरकारं वय्कःयात राष्ट्रिय सम्पति धकाः पिने वने हे मबिल ।

सन् १९७५य् थःगु कासा जीवनया उत्तरार्द्धय् थ्यनेधुंकाः धाःसा ३४ दँया

पेले उत्तर अमेरिकी सकर लिगय् मिहतेत न्युर्योकया कोस्मोस क्लबय् आवद्ध जूगु खः । अन नं स्वंगू सत्रय् ६४ गोल यानाः कोस्मोसयात छकः च्याम्पियन दय्काबिल । सन् १९७७ अक्टोबर १५ पेलें कासामि जीवनं सन्त्यास कयादिल । न्युजर्सीइ थःगु व्यवसायिक कासा जीवनय् थम्हं मिहतागु निगू क्लब कोस्मोस व सान्तोष दथुइया प्रदर्शनी कासाय् ब्वति कयाः पेलें सन्त्यास काःगु खः । व कासाय् वय्कलं निगुलिं टिमयापाखें बछि बछि ई

मिहतादीगु खः । पेलेया लिपांगु कासा स्वयत् न्युजर्सीया रङ्गशालाय् ७७ हजार दर्शक थ्यंगु खः । पेले थुलि चर्चित जूगु खः कि सन् १९६७इ नाइजेरियाय् गृहयुद्ध न्ह्यानाच्वंगु इलय् गुटत थःगु देशय् पेलेया प्रदर्शनी कासा स्वयत् युद्धविराम याय्त सहमत जूगु खः । सन् १९९७य् बेलायतया महारानी एलिजाबेथ द्वितियं वय्कःयात 'नाइट' उपाधि नं ब्यूगु खः । उत्तर अमेरिकाय्

फुटबलयात लोकप्रिय दय्केत पेलें वासिडटन वंगु इलय् अमेरिकी राष्ट्रपति रोनाल्ड रेगनया धापू आः नं चर्चित हे दनि । व इलय् रेगनं सम्बोधन याःबलय् धयादीगु खः, 'जिगु नां नां रोनाल्ड रेगन खः व जि अमेरिकाया राष्ट्रपति खः तर, छिटः थःगु परिचय बी आवश्यक मदु, छायाकि पेले सु खः धइगु सकासिनं स्यू ।'

पेलेयात ब्राजिलया न्हापांम्ह अश्वेत राष्ट्रिय नायक नं नालातःगु दु । पेलेया कासामिबाहेक मेगु थीथी रुप दु । कासा जीवन धुंकाः राजनीतीइ दुहांवन । वय्कः ब्राजिलया खेलकुद मन्त्री नं जुल । थ्व बाहेक वय्कः सफल व्यवसायी, युनेस्को व संयुक्त राष्ट्र संघया दूत नं जूगु खः । वय्कलं सकिपा नं मिहतादिल । वय्कलं थःगु म्ये थम्हं हे कम्पोज नं यानाः रेकर्ड यानादीगु दु ।



हे पेले राष्ट्रिय

इलय् खुसी

100% Vegetarian
Sweet Cave
Sweets - Namkeen - Fast Food

Sweet Cave

(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटोरिङ पनि गरिन्छ ।

राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-३३७२९९९, मो. ९८०३९८०९९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अडर अनुसार मिठाईहरू तयार गरिन्छ ।

‘ललितविस्तर शोधग्रन्थ’ पितृव्यज्या



ऐतिहासिक बौद्ध ग्रन्थ ललितविस्तरयात कयाः शोधग्रन्थ याःगु सफू ‘ललितविस्तर शोधग्रन्थ’ छू ज्याइवःया दथुइ पितृव्यज्या जुगु दु ।
ईलोहं प्रकाशनपाखे प्रकाशित नरेशवीर शाक्यं च्यादीगु सफूया उलेज्या आनन्दकुटी विहारय विहारया

धम्ममूर्ति महास्थावर बुद्ध धर्म सम्बन्धी हरेक सफुतिं बियाचवनीगु ज्ञानयात थःगु जीवनय नं व्यावहारिक रुप छ्यले फयेकेमाः धयाबिज्यासे ललितविस्तर ग्रन्थया शोधया महत्वया विषययात चर्चा याना बिज्यात । च्वमि शाक्यं बुद्ध धर्मय स्नातकोत्तर अध्ययनया इवलय ‘ललितविस्तर एक तुलनात्मक अध्ययन’ विषयय शोध च्यागु व उकियात हे सफूया आकार बियागु खँ कनादिल ।

ज्याइवलय दाता शाक्य, सेन्टरया अध्यक्ष प्रा. डा. वज्राचार्य लगायत सफूया थीथी पक्षयात कयाः नुगःखँ तयादीगु खः । नेपाःया बौद्ध ख्यलय बिस्कं महत्वं जाःगु ललितविस्तर छम्ह हे मनुखं छक्वलं च्वःगु मखु, थ्व थीथी इलय थीथी व्यक्तिसं च्वःगु ग्रन्थ खः ।

नेवाः हना सिरपाः लःल्हात



भाषा साहित्य मुँज्या खलः राजदास श्रेष्ठ दोसल्लां न्येकादीगु सक्वया ग्वसालय नेपालभाषाया स्वम्ह खःसा खलःया नायः श्रेष्ठ पुरस्कार वरिष्ठ साहित्यकारपित नेवाः हना वापतया नीद्वः तका दां लःल्हानादीगु सिरपाः लःल्हाःगु दु । वंगु शनिवाः सक्वय जूगु छू ज्याइवःया दथुइ उगु सिरपाः लःल्हाःगु खः ।

खलःया नायः रञ्जन श्रेष्ठया सभापतित्वय न्याःगु ज्याइवलय मूपाहाँकथं जनकवि दुर्गालाल श्रेष्ठ भायादीगु खः । ज्याइवलय नेपालभाषा साहित्यया नांजाःम्ह वरिष्ठ आख्यानकार मथुरा सार्थमि, वरिष्ठ आधुनिक कवि डा. योगेन्द्र प्रधान व वरिष्ठ समालोचक नापं बाखं च्वमि नर्मदेश्वरमान प्रधानयात उगु सिरपाः लःल्हाःगु खः ।

पुरस्कारपाखें सम्मानित व्यक्तित्वपित मूपाहाँ जनकवि श्रेष्ठ हनापौ व सिरपाःया दातामध्ये छम्ह

उगु हे ज्याइवलय खलःया दुजःलिसें साहित्यकार व च्वमि डा. बालगोपाल श्रेष्ठ च्यादीगु निगू सफू ‘जिगु दापु : जिगु धापू’ व ‘नेपालय जातीय पहिचान व भाषिक समान अधिकारया न्हयसः’ वयकःया जहानलिसें साहित्यकार श्रीलक्ष्मी श्रेष्ठ च्यादीगु निगू सफू एल्फ्यस (चिनाखँ मुना सफू) व जीवनया लँपुइ (बाखं मुना सफू)या नं पितृव्यज्या याःगु खः । थुपिं सफू मूपाहाँ जनकवि दुर्गालाल श्रेष्ठ व नेवाः न्हयलुवा, समालोचक नापं नेपालभाषा एकेडेमिया भाइस चान्सलर मल्ल के. सुन्दर मंकाःकथं पितृव्यज्या यानादीगु खः ।

रेडियो नेपालय ज्ञापन पौ लःल्हात

नेपाःया पुलांगु संचारमाध्यम रेडियो नेपाल न्याकाचवंगु एफएम संचारमाध्यमय नेपाल संवत छ्यलेत इनापयासें नेपाल संवत राष्ट्रिय न्हूदं समारोह समितिं ज्ञापन पौ लःल्हाःगु दु ।

समारोह समितिया नायः प्रा.डा.नरेशमान बज्राचार्य रेडियो नेपालया कार्यकारी निर्देशक बुद्धिबहादुर केसीयात वयकःया ज्याकुथिइ ज्ञापन पौ लःल्हाःगु खः ।

ज्ञापन पौ लःल्हानाकासें कार्यकारी निर्देशक केसी रेडियो नेपालय २०६८ सालनिसें नेपाल संवत धकाः प्रसारण यानाचवनागु खःसा महिना त्वःफिनाचवंगु खँयात स्वीकार यासें वयकलं याकनं हे रेडियो नेपाल व्यवस्थापन समितिया



मुँज्याय थ्व खँयात कयाः नेपाल संवतया महिना नं धायेगु खँ निर्णय यायेगु बचं बियादीगु दु ।

मोक्तानयात रुद्रलाल समाजेषा पुरस्कार



प्रदेश नं. १ या पहाडी क्षेत्रय शिक्षा, स्वास्थ्य व त्वनेगु लःया नितीं निःस्वार्थ रुप ज्या याना वयाचवम्ह ८० दँया समाजसेवी मनु मोक्तानयात

प्रतिष्ठानया मंकाः ग्वसालय जूगु छू ज्याइवःया दथुइ सर्वोच्च अदालतया पुलांम्ह प्रधानन्यायाधीश व राष्ट्रिय मानव अधिकार आयोगया पुलांम्ह अध्यक्ष अनुपराज शर्मा लःल्हाःगु पुरस्कार मोक्तान म्हं मफगुलिं नेपाल तामाड घेदुइ संघया अध्यक्ष मोहन गोले पुरस्कार लःल्हाना कयादीगु खः ।

ज्याइवलय गैरसरकारी संस्था महासंघया सल्लाहकार व प्रतिष्ठानया अध्यक्ष शान्तलाल मुल्मी च्यादीगु सफू ‘रिलेन्टलेस जर्नी’या विमोचन नं जूगु खः ।

छत्रलक्ष्मी-रुद्रलाल प्रतिष्ठानं बिइगु याना वयाचवंगु रुद्रलाल समाजसेवा पुरस्कार लःल्हाःगु दु ।
गैरसरकारी संस्था महासंघ व

‘स्वनिगःव्यापी नेवाः हुलाप्याखं कासा ११४३’ याइगु

नेपाल राष्ट्रिय खड्गी समाज येँ जिल्ला समितिया ग्वसालय ‘स्वनिगःव्यापी नेवाः हुलाप्याखं कासा ११४३’ जुइत्यंगु दु ।

ग्वसाः खलःपाखें जानकारी ब्यू कथं नेपाल राष्ट्रिय खड्गी समाज येँ जिल्ला समितिं थ्वहे वइगु माघ १४ गते शनिवाः स्वनिगःया हुलाप्याखंम्वः मचात दथुइ तःजिगु कासा जुइत्यंगु खँ धाःगु दु । अडिसन राउण्ड ख्वपय मेघा माध्यामिक विद्यालय देखापुरखु, यलय आदर्श कन्या निकेतन मङ्गलबजाः, येँय जगतसुन्दर ब्वनेकुथि लखुतिथं व किपुली हिलटाउन सेकेण्डरी स्कूल १ वडा बाघभैरवय जुइगु जूगु दु ।

हुलाप्याखं कासाया कजि राजन शाहीया कथं थुगु कासाय ब्वति कायेया नितीं स्वनिगः दुनेया मचातसें थःथःगु नां दर्ता यायेफइगु व थथे दुहाँ वःगु नांया कासामिपनिगु अडिसन राउण्ड स्वनिगःया येँ, यल, ख्वपः व किपुली जुइगु जुउगु दुसा अडिसनपाखें फाइनल राउण्डया नितीं पीम्ह कासामि ल्यइगु खँ धाःगु दु ।

फाइनल राउण्ड येँया बसन्तपुरय दस अवतारया देगः न्हयःने जुइगु जानकारी नं ग्वसाः खलकं ब्यूगु दु ।
नेवाः लोक म्ये वा नेवाः आधुनिक म्येय जक कासामिपनिं प्याखं हुले दइसा कासाय सोलो डान्स

जक मान्य जुइ पुचःया प्याखं मान्य मजुइगु खँ नं कासाया कजि राजन शाही जानकारी ब्यूगु दु । कासाय न्हापनिसें न्यागुगु थासय लाकेत ताःलापिन्त ट्रफिलिसें सिरपा बिइगु ग्वसाः दु ।

थुक्रिया नापनापं भेषभुषा, हाउभाउ, श्रृङ्गार, कोरियोग्राफी व प्रस्तुति या हलंज्वलं न्हयब्वयायात नं सिरपाः बिइगु ग्वसाः ग्वयातःगु दु ।

थ्व कासाय ब्वति काये मंदिपिं भिनिदनिसें नीदतकया विद्यार्थी वा मस्तयसं थ्वहे पुस मसान्तकया दुने थःथःगु नां दर्ता याकेफइगु खँ ग्वसाः खलकं जानकारी बिउगु दु ।

सुकुम्वासी ...

बाबुकाजी साँछे श्रेष्ठ, खुला सहसचिवय प्रजित शाक्य, व मिसा सहसचिवय सुनिता महर्जनयात ल्यःगु । उपत्यका पिनं प्रतिनिधित्व याइम्ह सहसचिवय विजयराम कर्माचार्य, सहकोषाध्यक्षय तेजनारायण महर्जन नं निर्विरोध निर्वाचित जूगु दु । कार्यसमिति सदस्यय रत्नकृष्ण श्रेष्ठ (स्वनिगः), पूर्णभक्त दुवाल, दानदास श्रेष्ठ, अनिता डङ्गोल, अनुप प्रधान, मीरा बज्राचार्य व उत्तमकुमार श्रेष्ठ (गण्डकी प्रदेश) निर्वाचित जूगु दु । लेखासमिति संयोजकय विगेन तुलाधर ल्यःगु दुसा लेखासमिति सदस्यय सुयां नं उम्मेदवारी मलाःगु निर्वाचन कमिटी संयोजक किरण शाक्य जानकारी बियादिल ।

वयां न्हयः तःमुँज्याया उद्घाटन सत्रया उपप्रधान लिसें भौतिक तथा यातायातमन्त्री नारायणकाजी श्रेष्ठ उलेज्या यानादिल । थःगु नुगः खँ तसें उपप्रधानमन्त्री श्रेष्ठ जातीय विविधताया सम्बोधन, सामाजिक न्यायया लागि पत्रकारत संवेदनशील जुइमाःगुलिइ बः ब्युसें समावेशी पत्रकारिताया विकास व मातृभाषाया पत्रकारितायात विकास याय्माःगु विषयस राज्यया ध्यान साःगु धयादिल ।

ज्याइवलय पत्रकारतयूत थीथी सिरपाःलिसें पुरस्कृत याःगु खः ।

वरिष्ठ पत्रकार नरेशवीर शाक्ययात ज्ञानदेवी मणिरत्न स्थापित सिरपाः व नेपाल समाचारपत्रया सरस्वती कर्माचार्ययात ज्ञानज्योती लक्ष्मीप्रभा लुमन्ति पत्रकारिता सिरपाः लःल्हाःगु खः । थुगु निगुलिं सिरपाःया राशी २० हजार तका खः ।

काभ्रेया पत्रकार सूर्यप्रसाद लाकौलायात वाङ्मय शताब्दी पुरुष सत्यमोहन जोशी पत्रकारिता सिरपाः, हेटौंडाया पत्रकार सुरेश श्रेष्ठयात श्रीराम न्हूजः पत्रकारिता सिरपाः व ख्वपया फोटो पत्रकार सुरेश ख्वाकः श्रेष्ठयात बाबुराजा ज्यापु फोटो पत्रकारिता पुरस्कार लःल्हाःगु खः । थुगु स्वंगुलिं सिरपाःया राशी १० हजार तका खः । नेपाः च्यानलया अनुशा बज्राचार्ययात १२ हजार राशीया भिक्षु कुमारकाश्यप स्मृति पत्रकारिता सिरपाः ब्यूगु खः । ज्याइवलय नेवाः देयू दबूया नायः पवित्र वज्राचार्य, नेपाल आदिवासी जनजाति पत्रकार महासंघया नायः गजुर्धन राई, दबूया साविक केन्द्रीय अध्यक्ष सुरजवीर बज्राचार्य स्वर्गीय पत्रकार सत्यनारायण बहादुर श्रेष्ठयात नेपाल पत्रकार महासंघया संस्थापक सभापतिया रूपं मान्यता बीमाःगुलिइ बः बियाः न्ववानादिल । ज्याइवलय उपप्रधानमन्त्री श्रेष्ठ दबूया स्मारिका ‘लुमन्ति पौ’ नं विमोचन यानादीगु खः ।



हरेक मंगलवार
राष्ट्रियताको लागि समर्पित
मेरो साप्ताहिक
मेरो साप्ताहिक Mero Saptahik
मालाः मालाः ब्वनादिले ।

लहना




नेवाः पत्रकार राष्ट्रिय दबूया प्यक्वःगु तःमुँज्यां नेपालभाषाया रंगीन वाःपौ लहनाया प्रधान सम्पादक **भाजू नृपेन्द्रलाल श्रेष्ठ** नायः पदय् लिसें कार्यकारी सम्पादक **भाजू सुरेन्द्र भक्त श्रेष्ठ** न्वकु पदय् निर्विरोध निर्वाचित जुयादीगुलिं वय्कःपिनि कार्यकाल सुथां लायेमा धइगु मन्तुसें भित्तुना देछानाच्चना ।

लक्ष्मण गमाल 'चिलमि', दाता

लहना धर्ममोति पत्रकारिता सिरपाः

लहना






थुगु गुथिया छ्याञ्जे **भाजू नृपेन्द्रलाल श्रेष्ठ** नेवाः पत्रकार राष्ट्रिय दबूया प्यक्वःगु तःमुँज्यां **नायः** पदय् निर्विरोध निर्वाचित जुयादीगुलिं वय्कःपिनि कार्यकाल सुथां लायेमा धइगु मन्तुसें भित्तुना देछानाच्चना ।

पवित्र बज्राचार्य	प्रमिला ताम्राकार
जितेन्द्र विलास बज्राचार्य	उत्तम शाक्य
जुजुमान महर्जन	जितेन्द्र सायूमि
ऐश्वर्य श्रेष्ठ	राज्यलक्ष्मी राजवंत

नेवाः गुथिया सकल जः

लहना

नेवाः पत्रकार राष्ट्रिय दबूया प्यक्वःगु तःमुँज्यां नेपालभाषाया रंगीन वाःपौ लहनाया प्रधान सम्पादक **भाजू नृपेन्द्रलाल श्रेष्ठ** नायः पदय् लिसें कार्यकारी सम्पादक **भाजू सुरेन्द्र भक्त श्रेष्ठ** न्वकु पदय् निर्विरोध निर्वाचित जुयादीगुलिं वय्कःपिनि कार्यकाल सुथां लायेमा धइगु मन्तुसें भित्तुना देछानाच्चना ।

अमृत चन्द श्रेष्ठ, निर्माता/निर्देशक

चिराग फिल्मस् प्रा. लि.

मि चाइन्ह वः मिथः म्ही सकसियां वः मिथः

मास/विज्याहुँ

लसकुस लसकुस लसकुस

श्वहे वैगु २०७९ माघ १९ गते बिहिवार, नेसं ११४३ प्वहेलागा भिमद्वादशीखुन्हु इखालखु तलाछें त्वालय् न्याइगु **मिथः पुजा** परिक्रमाय् ब्वति कयाः पूण्य ताःलाकादीत/विज्याय्त इनाप यानाच्चना ।

उवसाः खलः


मुनेगु खान्य - इखालखु तलाछें - १५
मुनेगु ई - सुखसिया १० ताःइलय्
खान्यगु ब्व - २६ भाज

त्रिमसेन पुजा परिक्रमा समारोह समिति
इखालखु तलाछें, खल - १५
स्वाप्या मिति - १८२१०२, १८२१०३, १८२१०४, १८२१०५, १८२१०६

आगो वा हिटर प्रयोगमा होसियारी अपनाऔं ।

- झ्याल, ढोका थुनेर आगो वा हिटर नबालौं,
- सुत्ने बेला बालेको आगो वा हिटर निभाऔं,
- आगो वा हिटर बालबालिकाको पहुँचभन्दा पर राखौं,
- हावाको उचित ओहोरदोहोर हुने गरी मात्र आगो वा हिटर बालौं ।
- सकेसम्म बाथरूममा ग्यास गिजरको प्रयोग नगरौं । गर्ने परेमा भेन्टिलेशन खुला राखौं ।

झ्यालढोका थुनेर आगो वा हिटर प्रयोग गर्दा अक्सिजनको कमी हुन गई ज्यान जान सक्दछ ।



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

"सरीय श्रुतम स्वास्थ्य सेवा सकसियां मिति, असहायवा मिति जक निःशुल्क"

उपलब्ध सेवा

२४सै घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मीतिभिन्
- जनरल सर्जरी
- नाक हात घाँटी सम्बन्ध
- हाडजोर्नी तथा नास सम्बन्ध
- स्त्रिया विरकार फिजिकल मेडिसिन सम्बन्ध

बहिरङ्ग सेवा

- मुद् रोग
- पैट रोग
- पुरोलोजी
- स्त्री रोग ● बाल रोग
- क्यान्सर रोग
- दन्त रोग
- आँखा रोग
- जनरल मेडिसिन
- नर्व तथै यीन रोग
- नाक कान घाँटी रोग
- जनरल हेल्थ चेक अप
- पाइरोइड ● मधुमेह

मेमेजु सेवा

- छुस्त्रि
- टुण्डोस्कोपी
- कोलोनोस्कोपी
- फिजियोथेरापी
- अत्याधुनिक इन्टर र टुको
- पुरोपेनी सारको वन शोधशाला
- टि.एच.टि. इन्टर

२४ घण्टा

इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९